

IPUIAK. ¹

Ondar-alecho bat
euskararentzat.

Azariya eta Olloa.

Ollo bat zeramala
baserri batetik,
azariya zepoan
lotu zan zankotik;
eta miñ emanikan
kolpe ark gogotik,
miñ artan joan zitzaion
olloa abotik;
bada gertatzen zala
penaturik miñez,
zopotikan zankorik
atera eziñez,
olloari zitzaion
itzegiten asi,
esanaz; ¿nora zoaz,
olloa, igesi?
ni baldin banaiz, zu chit
maite zaitutana,
gaiztakeririk iñoiz
egin eztetana,
bada nere tokiyan

beste azari bat
izan bazan, ark jango
zinduben gaur anbat.
Bañan nik ez tet egiñ
orrelako lanik,
leku ohera jira
nai zinduzkean nik;
beragatik nai nuke
orain, nik zugandik
meserecho bat, zeñen
zor naizkizun aundik.
Zuaz nere echera,
nere amagana,
denborik galdu gabe
berari esatera,
aren bear naizela,
bere bear oso;
esan zaiozu nola
nagoan emen preso.
Olloa joaten asi
zan bere echerontz,

(1) Fábulas premiadas con *medalla de plata* en las fiestas euskaras celebradas en Durango, en Julio de 1886.

eta otsegin zion;
 ¿nora zoaz orrontz?
 nere amik ezpada
 alde ortan bizi,
 etzaitezela oker
 bidetikan asi;
 —ez; esan zion ollo
 libre zihoanak,
 zuzen egingo ditut
 nik gaur nere lanak;
 alde orretan bada
 zure ama bizi,
 eztet nai zein echetan
 bizi dan ikasi:
 ni naiz orain nerera
 segiruban joango,

eta an det emen zer
 pasa dan esango;
 eta kontaturikan
 echean guziya,
 azariyari kendu
 zioten biziya.

.

Laguntza nai dubenak
 dan denboran estu,
 lenaz izan bear du
 jarraituba prestu;
 gauzak ez baititezke
 egun bian aztu,
 gaiztoak buru onik
 aterako eztu.

Basaurdea eta Zakurra.

Basaurde bat igesi,
 zakurrak ondoren,
 ibildurik luzaro
 alde chit alkarren,
 ler egin zutenean
 atzetik ziranak,
 beren echietara
 jira ziran denak;
 bañan bat allegatu
 baña len berera,
 erori zan arkaitz-gaiñ
 batetikan bera,
 eta autsirik anka
 bat, eta besoa,
 mugitu eziñik zan
 gelditu gaisoa;

ala gertatzen zala
 bigaramonean,
 lengo basaurde bera
 pasatutzen zan an;
 eta ikusirikan
 etzala mugitzen,
 esan zion—ia zer
 zuben an egiten?
 —Jauna, eranzun zion,
 gertatzen naiz gaizki,
 illunabarra bañon
 len illko naiz noski,
 ni izanik denai
 diotana chit nai,
 ez bainion bedorri
 atzo segitu nai,